

ք. Երևան

«29» հունվարի 2026թ.

Հայաստանի Հանրապետության կրթության, գիտության, մշակույթի և սպորտի նախարարության Բարձրագույն կրթության և գիտության կոմիտեն, ի դեմս կոմիտեի գլխավոր քարտուղարի պարտականությունները կատարող Կարեն Ղարիբջանի, որը գործում է կոմիտեի կանոնադրության հիման վրա (այսուհետ՝ Պատվիրատու), մի կողմից, և «Գորիսի պետական համալսարան» ՊՈԱԿ-ը, ի դեմս ռեկտոր Տիգրան Վանդունցի, որը գործում է ՊՈԱԿ-ի կանոնադրության հիման վրա (այսուհետ՝ Կատարող) մյուս կողմից, ղեկավարվելով «Հայաստանի Հանրապետության 2026 թվականի պետական բյուջեի մասին» օրենքով և ՀՀ կառավարության 2025 թվականի դեկտեմբերի 25-ի «ՀՀ 2026 թվականի պետական բյուջեի կատարումն ապահովող միջոցառումների մասին» N 1910-Ն որոշմամբ (այսուհետ՝ որոշում)՝ 1111 «Բարձրագույն և հետբուհական մասնագիտական կրթության ծրագիր» ծրագրի 12004 «Բարձրագույն մասնագիտական կրթության գծով ուսանողական նպաստների տրամադրում» միջոցառման իրականացման նպատակով, հիմք ընդունելով ՀՀ կառավարության 2006 թվականի հուլիսի 27-ի N 1183-Ն որոշումը՝ կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում է, իսկ Կատարողը ստանձնում է կազմակերպել որոշմամբ սահմանված 1111 «Բարձրագույն և հետբուհական մասնագիտական կրթության ծրագիր» ծրագրի 12004 «Բարձրագույն մասնագիտական կրթության գծով ուսանողական նպաստների տրամադրում» միջոցառման (այսուհետ՝ միջոցառում) շրջանակներում «Գորիսի պետական համալսարան» ՊՈԱԿ-ի միջին տարեկան 120 ուսանողների ուսուցում (համաձայն սույն պայմանագրի անբաժանելի մասը կազմող հավելվածի), որոնցից.

- 1) մեկ ուսումնական տարվա քննությունների և ստուգարքների արդյունքներով առավել բարձր գնահատականներ ունեցող (այդ թվում առաջին կուրսում պետության կողմից ուսանողական նպաստների ձևով ուսման վարձի լրիվ փոխհատուցմամբ տեղերում ընդունված) 70 ուսանող,
- 2) ՀՀ օրենքներով նախատեսված՝ պետության կողմից ուսման վարձի լրիվ փոխհատուցման արտոնություն ունեցող սոցիալական խմբերի 17 ուսանող,
- 3) պետության կողմից ուսանողական նպաստի ձևով ուսման վճարի մասնակի փոխհատուցում ստացող (ըստ առաջադիմության) 33 ուսանող:
- 4) ՀՀ պաշտպանության նախարարության կողմից նշված վայրում և պայմաններով գինվորական ծառայություն անցնելու քաղաքացիաիրավական բնույթի պայմանագիր կնքած («Պատիվ ունեն») _____ ուսանող:

2. ՊԱՅՄԱՆԱԳՐԻ ԳԻՆԸ

2.1 Սույն Պայմանագրով Պատվիրատուն պարտավորվում է սույն Պայմանագրի 1.1 կետում նշված ուսանողների համար Կատարողին տրամադրել պետության կողմից նպաստի ձևով ուսման վճարի փոխհատուցում, որը կազմում է **56,200,133 (հիսունվեց միլիոն երկու հարյուր հազար մեկ հարյուր երեսուներեք)** ՀՀ դրամ՝ ներառելով.

- 1) Հայաստանի Հանրապետության կառավարության հաստատած՝ ըստ ուսումնական տարիների պետության կողմից լրիվ փոխհատուցմամբ տեղերի քանակին համապատասխան սովորող ուսանողների ուսման վարձի փոխհատուցումը՝ **46,135,300 (քառասունվեց միլիոն մեկ հարյուր երեսունհինգ հազար երեք հարյուր)** ՀՀ դրամ՝ հիմք ընդունելով ՀՀ կառավարության 2006 թվականի 27 հուլիսի N 1183-Ն որոշմամբ հաստատված հավելվածի 5-րդ կետի 1-ին ենթակետը,
- 2) **6173333 (վեց միլիոն մեկ հարյուր յոթանասուներեք հազար երեք հարյուր երեսուներեք)** ՀՀ դրամ՝ օրենքներով նախատեսված հետևյալ սոցիալական խմբերին՝
 - ա. «Առանց ծնողական խնամքի մնացած երեխաների սոցիալական պաշտպանության մասին» օրենքով սահմանված առանց ծնողական խնամքի մնացած երեխաների, ինչպես նաև առանց ծնողական խնամքի մնացած երեխաների թվին պատկանող մինչև 23 տարեկան **2 ուսանողի՝ 1053333 (մեկ միլիոն հիսուներեք հազար երեք հարյուր երեսուներեք)** ՀՀ դրամ,
 - բ. 1-ին, 2-րդ խմբի հաշմանդամություն ունեցող և հաշմանդամ երեխա ճանաչված անձանց, ֆունկցիոնալության ծանր և խորը, իսկ երեխաների դեպքում նաև միջին աստիճանի սահմանափակում ունեցող անձանց՝ համաձայն «Հաշմանդամություն ունեցող անձանց իրավունքների մասին» օրենքի **1 ուսանողի՝ 420000 (չորս հարյուր քսան հազար)** ՀՀ դրամ,
 - գ. Ժամկետային պարտադիր զինվորական ծառայության ժամանակ ծառայողական պարտականությունները կատարելիս 1-ին կամ 2-րդ խմբի հաշմանդամության զինվորական կենսաթոշակի իրավունք ունեցող նախկին զինծառայողներին՝ համաձայն «Զինվորական ծառայության և զինծառայողի կարգավիճակի մասին» օրենքի _____ **ուսանողի՝ _____ (թիվը բառերով)** ՀՀ դրամ,
 - դ. զոհված (մահացած) զինծառայողների ծնողներին, ամուսնուն (կնոջը), մինչև 27 տարեկան զավակներին՝ համաձայն «Զինվորական ծառայության և զինծառայողի կարգավիճակի մասին» օրենքի **14 ուսանողի՝ 4700000 (չորս միլիոն յոթ հարյուր հազար)** ՀՀ դրամ.
- 3) ընտանիքների անապահովության սահմանային միավորից բարձր միավորներ ունեցող ուսանողներին՝ ՀՀ կառավարության 2006 թվականի 27 հուլիսի N 1183-Ն որոշմամբ հաստատված հավելվածի 7-րդ և 8-րդ կետերին համապատասխան **572,000 (հինգ հարյուր յոթասուներկու հազար)** ՀՀ դրամ.
- 4) սոցիալական աջակցություն ստացող սահմանամերձ համայնքների բնակավայրերի ուսանողներին՝ ՀՀ կառավարության 2006 թվականի 27 հուլիսի N 1183-Ն որոշմամբ հաստատված հավելվածի 10-րդ և 11-րդ կետերին համապատասխան՝ **2,606,000 (երկու միլիոն վեց հարյուր վեց հազար)** ՀՀ դրամ.
- 5) մարտական գործողություններին մասնակցած ուսանողներին՝ ՀՀ կառավարության 2006 թվականի 27 հուլիսի N 1183-Ն որոշմամբ հաստատված հավելվածի 11-րդ կետին համապատասխան՝ **491,000 (չորս հարյուր իննսունմեկ հազար)**
- 6) ՀՀ դրամ.
- 7) առկա ուսուցմամբ բակալավրի ու անընդհատ և ինտեգրացված կրթական ծրագրերով սովորող՝ երկու և ավելի անչափահաս երեխա ունեցող ուսանողներին՝ ՀՀ կառավարության 2006 թվականի 27 հուլիսի N 1183-Ն որոշմամբ հաստատված հավելվածի 11-րդ կետին համապատասխան՝ **222,500 (երկու հարյուր քսաներկու հազար հինգ հարյուր)** ՀՀ դրամ:
- 8) ՀՀ պաշտպանության նախարարության կողմից նշված վայրում և պայմաններով զինվորական ծառայություն անցնելու քաղաքացիաիրավական բնույթի պայմանագիր կնքած («Պատիվ ունեմ») սովորողներին՝ ՀՀ կառավարության 2018 թվականի 12 ապրիլի

ՀՀ դրամ:

2.2. Սույն պայմանագրի 2.1 կետում նշված գումարը Պատվիրատուն վճարում է Կատարողի հաշվեհամարին փոխանցումներ կատարելու եղանակով:

2.3. Սույն պայմանագրի 1.1 կետում նշված միջին տարեկան ուսանողների թիվը փոխվելու դեպքում Պատվիրատուին իրավունք է վերապահվում պայմանագրով ամրագրված գումարի չափը փոփոխել՝ ավելացնել կամ նվազեցնել:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

3.1. Պատվիրատուն իրավունք ունի՝

3.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու Կատարողի կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

3.1.2. Կատարողից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

3.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կատարողից պահանջելու վճարել սույն պայմանագրի 5.2 կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ պայմանագրի 5.3 կետով նախատեսված տույժերը,

3.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի Կատարողը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. Կատարողը երկու և ավելի անգամ խախտել է ծրագրով նախատեսված միջոցառումների իրականացման ժամկետները,

գ. իրականացված միջոցառումները չեն համապատասխանում սահմանված պահանջներին,

3.1.5. Կատարողի կողմից սույն պայմանագրի պահանջները չկատարելու դեպքում դադարեցնել ֆինանսավորումը՝ մինչև թերությունների վերացումը,

3.1.6. Կատարողի կողմից սույն պայմանագրով նախատեսված միջոցառումների ոչ ֆինանսական ցուցանիշների թերկատարման դեպքում պահանջել հետ վերադարձնել համապատասխան չափով հաշվարկված գումարը, կամ նշված գումարի չափով պակասեցնել հետագա ֆինանսավորումը, կամ հետագա տարիների պայմանագրերով պարտավորեցնել լրացնել ոչ ֆինանսական ցուցանիշների թերկատարումը,

3.1.7. սույն պայմանագրի 3.4.7. կետով սահմանված կարգով և ժամկետներում Կատարողի կողմից հաշվետվությունները չներկայացնելու դեպքում ժամանակավորապես դադարեցնել գումարի տրամադրումը:

3.2. Կատարողն իրավունք ունի՝

3.2.1. Պատվիրատուից պահանջել ընդունել սույն պայմանագրի 1.1-ին կետում նշված և Կատարողի կողմից պատշաճ ձևով ու կարգով կատարված միջոցառումները,

3.2.2. Պատվիրատուից պահանջել վերացնել Կատարողի գործողություններից (անգործությունից) անկախ՝ սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

3.2.3. իրականացված միջոցառման արդյունքը Պատվիրատուի կողմից ընդունվելու և Պատվիրատուի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

3.2.4. վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

3.3. Պատվիրատուն պարտավոր է՝

3.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և Կատարողի կանոնադրություններով սահմանված իրավասությունների շրջանակներում աջակցել Կատարողին, այդ թվում՝ Կատարողին ցուցաբերել մեթոդական և կազմակերպական օգնություն,

3.3.2. Կատարողից ընդունել սույն պայմանագրի պահանջներին համապատասխան Կատարողի կողմից պատշաճ ձևով ու կարգով կատարված միջոցառումները և հաշվետվությունները,

3.3.4. իրականացված միջոցառման մասին ներկայացված հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման Կատարողին՝ լրամշակման համար սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են,

3.3.5. իրականացնել սույն պայմանագրով նախատեսված այլ աշխատանքներ:

3.4. Կատարողը պարտավոր է՝

3.4.1. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1 կետի և ՀՀ կառավարության 2006 թվականի հուլիսի 27-ի N 1183-Ն որոշմամբ հաստատված Հայաստանի Հանրապետության բարձրագույն ուսումնական հաստատություններում նպաստի ձևով ուսման վճարի փոխհատուցում (լրիվ կամ մասնակի (գեղչ) և պետական կրթաթոշակ տալու կարգի, ինչպես նաև նպաստի ձևով ուսման վճարի փոխհատուցման չափի պահանջների,

3.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները՝

3.4.3. Պատվիրատուին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար,

3.4.4. սույն պայմանագրի գործողության ընթացքում ապահովել միջոցառման իրականացմանը վերաբերող փաստաթղթերին ծանոթանալու Պատվիրատուի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

3.4.5. կատարել Պատվիրատուի կողմից բացահայտված թերությունների վերացման նպատակով տրված ցուցումները,

3.4.6. իրականացնել ծրագրի շրջանակներում Պատվիրատուի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

3.4.7. Պատվիրատուին ներկայացնել եռամսյակային ու տարեկան հաշվետվություններ՝ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2019

թվականի մարտի 13-ի N 254-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով,

3.4.8. Պատվիրատուի կողմից միջոցառումների իրականացման մասին հաշվետվությունները չընդունվելու դեպքում անվճար՝ Պատվիրատուի կողմից սահմանված ողջամիտ ժամկետում վերացնել արձանագրված անհամապատասխանությունները,

4. ՊԱՅՄԱՆԱԳՐԻ ԺԱՄԿԵՏԸ

4.1. Պայմանագիրն ուժի մեջ է մտնում կողմերի ստորագրման պահից, տարածվում է 2026 թվականի հունվարի 1-ից ծագած իրավահարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2 Պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները Կատարողի կողմից չպահպանելու դեպքում վերջինս Պատվիրատուին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը Կատարողին չի ազատում իր պարտավորությունները կատարելու և խախտումները վերացնելու պարտականությունից:

5.3 Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում Կատարողը Պատվիրատուին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

5.4 Պայմանագրի 5.2 և 5.3 կետերով նախատեսված տուգանքը և տույժը կարող է հաշվարկվել և հաշվանցվել միջոցառման իրականացման արդյունքում Կատարողին վճարման ենթակա գումարների հետ:

Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

5.5 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

6.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

7. ԵԶՐԱՓՈՒԿ ԴՐՈՒՅԹՆԵՐ

7.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից,

7.2. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ,


7.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

ՊԱՏՎԻՐԱՏՈՒ

ՀՀ կրթության, գիտության, մշակույթի
և սպորտի նախարարության
Բարձրագույն կրթության և գիտության
կոմիտե
ք. Երևան, Օրբելի եղբայրների 22
ՀՀ ՖՆ գործառնական վարչություն
Հ/Հ 900011048247
ՀՎՀՀ 02704199

Գլխավոր քարտուղար՝


Կ. Ղարիբյան
(ստորագրություն) (պարտականությունները կատարող)

Կ.Տ.

ԿԱՏԱՐՈՂ

Գորիսի պետական համալսարան
ք.Գորիս, Ավանգարդ 2
ՀՀ ՖՆ գործառնական վարչություն
Հ/Հ 900288000012
ՀՎՀՀ 092106063

Ռեկտոր՝


(ստորագրություն)
Կ.Տ.